

Қазақстан Республикасының ғылым, техника және білім беру саласындағы Мемлекеттік сыйлықтары туралы

Күші жойған

Қазақстан Республикасы Үкіметінің қаулысы 1998 жылғы 25 мамырдағы N 477. Күші жойылды - ҚР Үкіметінің 2007.09.14. N 807 Қаулысымен.

Ескерту. Қаулының күші жойылды - ҚР Үкіметінің 2007.09.14. N 807 Қаулысымен.

Қазақстан Республикасының Үкіметі қаулы етеді:

1. Қоса беріліп отырған:

Қазақстан Республикасының ғылым, техника және білім беру саласындағы Мемлекеттік сыйлықтары туралы ереже;

Қазақстан Республикасы Үкіметінің жанындағы Қазақстан Республикасының Ғылым, техника және білім беру саласындағы мемлекеттік сыйлықтары жөніндегі комиссиясы туралы ереже бекітілсін.

2. Қазақстан Республикасы Үкіметінің жанындағы Қазақстан Республикасының ғылым, техника және білім беру саласындағы мемлекеттік сыйлықтары жөніндегі комиссиясының құрамы қосымшаға сәйкес бекітілсін.

3. М ы н а л а р д ы ң :

"Қазақстан Республикасының ғылым, техника және білім беру саласындағы мемлекеттік сыйлығы туралы ереже мен Қазақстан Республикасы Министрлер Кабинеті жанындағы Қазақстан Республикасының Ғылым, техника және білім саласындағы мемлекеттік сыйлықтары жөніндегі комитет туралы ережені бекіту туралы" Қазақстан Республикасы Министрлер Кабинетінің 1992 жылғы 7 қазандағы N 834 қаулысының (Қазақстан Республикасының ПҰАЖ-ы, 1992 ж., N 38, 577 - құжат) ;

"Қазақстан Республикасы Министрлер Кабинетінің 1992 жылғы 77 қазандағы N 834 қаулысына өзгертулер мен толықтырулар енгізу туралы" Қазақстан Республикасы Үкіметінің 1995 жылғы 31 қазандағы N 1412 қаулысының (Қазақстан Республикасының ПҰАЖ-ы, 1995 ж., N 33, 429-құжат);

"Қазақстан Республикасының Үкіметі жанындағы Қазақстан Республикасының Ғылым, техника және білім беру саласындағы мемлекеттік сыйлықтар жөніндегі комитетінің құрамы мен төралқасы туралы" Қазақстан Республикасы Үкіметінің 1996 жылғы 13 тамыздағы N 1003 қаулысының (Қазақстан Республикасының ПҰАЖ-ы, 1996 ж., N 33, 315-құжат) күші жойылған деп танылсын.

Премьер-Министрі

Қазақстан Республикасы

Үкіметінің

1998 жылғы 25 мамырдағы

№ 477 қаулысымен

бекітілген

Қазақстан Республикасының ғылым, техника және білім беру саласындағы Мемлекеттік сыйлықтары туралы ереже

1. Қазақстан Республикасының ғылым, техника және білім беру саласындағы Мемлекеттік сыйлығы (бұдан әрі - Мемлекеттік сыйлық) Қазақстан Республикасының азаматтарына:

республиканың экономикалық және әлеуметтік дамуын айтарлықтай жеделдетуге және қазақстандық ғылым мен техниканы әлемдегі озық жетістіктердің деңгейіне көтерілуіне жеткізетін іргелі және қолданбалы зерттеулер саласындағы аса үздік нәтижелер үшін;

қоғамға кеңінен танылған ғылыми ашылымдар, монографиялар, сондай-ақ бір саладағы бірқатар ғылыми жұмыстар үшін;

техниканың, материалдардың және технологиялардың жаңа түрлерін әлемдік үлгілер деңгейінде және одан жоғары өндіруді әзірлегені және ұйымдастырғаны үшін;

мемлекеттік құпияларға жатқызылған мәліметтері бар экономиканың әр түрлі салаларында мүлдем жаңа бұйымдар, технологиялық процестер әзірлегені және жасағаны үшін;

республика үшін жоғары білікті мамандар мен ғылыми кадрлар даярлауға жәрдемдесетін республиканың білім жүйесінің барлық сатыларына арналған оқулықтар үшін беріледі.

Ескерту. 1-тармақ толықтырылды - ҚР Үкіметінің 2001.07.17. № 966 қаулысымен.

2. Мемлекеттік сыйлықтар Республика күні қарсаңында екі жылда бір рет 6 сыйлық санында, оның ішінде біреуі мемлекеттік құпияларға жатқызылған мәліметтері бар жұмыс үшін беріледі. Мемлекеттік сыйлықтың ақшалай бөлігінің мөлшерін олар берілетін жылы және республикалық бюджетте ғылым үшін көзделген сомалардың шегінде Қазақстан Республикасының Үкіметі белгілейді.

Бланктер, дипломдар, құрметті белгілер дайындауға, Мемлекеттік сыйлықтар алуға ұсынылған жұмыстар сараптама және рецензиялау жүргізуге байланысты шығыстар, сондай-ақ Комиссия мүшелері мен ол іске тартылған сарапшыларға

іссапарлық шығыстар Қазақстан Республикасының Білім және ғылым министрлігі қаражатының есебінен қаржыландырылады. <*>

Бұрын Қазақстанның мемлекеттік сыйлықтары мен Қазақстан Республикасының атаулы сыйлықтарына ие болған жұмыстар Мемлекеттік сыйлық алу конкурсына қатысуға жіберілмейді. Жұмыс Мемлекеттік сыйлық алуға екі реттен артық ұсынылмайды.

Қазақстан Республикасы Мемлекеттік сыйлығының лауреаты жаңа жетістіктерге қол жеткізген кезде, бұл сыйлық, оның алдында көрсетілген сыйлық берілгеннен кейін бес жылдан соң оған екінші рет берілуі мүмкін.

Ескерту. 2-тармаққа өзгеріс енгізілді - ҚР Үкіметінің 2001.07.17. N 966 қаулысымен , 2003.07.30. N 763 қаулысымен .

3. Мемлекеттік сыйлық алу үшін ұсынылған ғылыми еңбектер жариялануы, оқулықтар республиканың білім жүйесінде кемінде үш жыл бойы байқау-сынақтан өтуі, ал техникалардың, материалдардың жаңа технологиялардың жаңа түрлері Мемлекеттік сыйлық алуға ұсынылған сәтке дейін кемінде екі жыл бойы өндірісте игерілуі тиіс.

4. Жұмыстарды мемлекеттік сыйлық алуға ұсынуды Қазақстан Республикасы министрліктерінің алқалары, ғылыми және оқу орындарының және басқа да ұйымдардың, сондай-ақ кәсіпорындардың ғылыми, ғылыми-техникалық, ғалымдар кеңестері жүргізеді. Жұмыстарды Мемлекеттік сыйлыққа ұсыну туралы шешім бұл органдардың қызметіне арналған регламенттермен және басқа да актілермен, белгіленген тәртіпте қабылданады.

5. Мемлекеттік сыйлыққа ұсынылғандардың ұжымы әдетте 8 адамнан аспауы тиіс. Мемлекеттік сыйлықты алуға ізденушілердің көрсетілген санын арттыруға Қазақстан Республикасы Үкіметінің жанындағы Қазақстан Республикасының Ғылым, техника және білім беру саласындағы мемлекеттік сыйлықтары жөніндегі комиссияның ұсынымы бойынша рұқсат етіледі.

Ізденушілердің ұжымына кандидаттар іріктеу ұсынылатын жұмыс орындалған министрліктерде, ғылыми және басқа да ұйымдарда, сондай-ақ кәсіпорындарда белгіленген тәртіпте, объективті түрде жүргізіледі. Бір ізденушілердің кандидатурасы Мемлекеттік сыйлыққа екі және одан да көп жұмыстар бойынша ұсынылына алмайды. Ізденушілердің ұжымына адамдарды тек лауазымдық және басқа белгісі бойынша кіргізуге жол берілмейді.

6. Мемлекеттік сыйлықтар алуға сыйлықтар берілетін жылғы 1-ақпанға дейін ұсынылған жұмыстарды Қазақстан Республикасының Ғылым, техника және білім беру саласындағы мемлекеттік сыйлықтары жөніндегі комиссия қабылдайды.

Құжаттардың тізбесі мен оларды ұсынылған жұмыстарға рәсімдеудің тәртібі Қазақстан Республикасы Үкіметінің жанындағы Қазақстан Республикасының Ғылым, техника және білім беру саласындағы мемлекеттік сыйлықтары

жөніндегі комиссия қабылдайтын Ережемен айқындалады.

Мемлекеттік сыйлықтарды ұсынуға жұмыстарды қабылдау туралы және алдын ала іріктеу туралы шешімді жариялауды республикалық және басқа да бұқаралық ақпарат құралдары арқылы Қазақстан Республикасы Үкіметінің жанындағы Қазақстан Республикасының Ғылым, техника және білім беру саласындағы мемлекеттік сыйлықтары жөніндегі комиссия жүзеге асырады.

7. Комиссия Мемлекеттік сыйлықтар алуға ұсынылған жұмыстарды екі кезеңде қарайды .

Бірінші кезеңде (15 тамызға дейін) жұмыстарды алдын ала іріктеп алуды және ізденушінің нақты шығармашылық үлесі бойынша оның мәлімделген авторлыққа (тең авторлыққа) сәйкестігін анықтауды Комиссияның төралқасы жүзеге асырады. Комиссия мемлекеттік құпияларға жатқызылған мәліметтері бар жұмыстардан басқа алдын ала іріктеуден өткен жұмыстардың тізімін қараудың екінші кезеңіне дейін кемінде бір ай бұрын, авторлары мен осы жұмыстарды ұсынған ұйымдарды көрсете отырып, кеңінен талқылау үшін республикалық және жергілікті бұқаралық ақпарат құралдарында жариялайды. <*>

Қараудың екінші кезеңінің қорытындылары бойынша Комиссия жұмыстарды Қазақстан Республикасының Үкіметіне Мемлекеттік сыйлықтар беруге ұсынады.

Ескерту. 7-тармаққа өзгеріс енгізілді - ҚР Үкіметінің 2001.07.17. N 966 қаулысымен , 2003.07.30. N 763 қаулысымен .

8. Комиссияның Мемлекеттік сыйлықтар беру туралы ұсыныстары Қазақстан Республикасының Үкіметіне сыйлықтар берілетін жылғы 15 қыркүйекке дейін ұсынылады.

9. Мемлекеттік сыйлықтар беру туралы Комиссияның ұсыныстарын Қазақстан Республикасының Үкіметіне бекітеді және Республика күнінде баспасөзде жарияланады.

10. Мемлекеттік сыйлыққа ие болған адамдарға "Қазақстан Республикасы Мемлекеттік сыйлығының лауреаты" атағы беріледі әрі лауреаттың дипломы, куәлігі, құрметті белгісі және сыйлықтың ақшалай бөлігі тапсырылады.

11. Авторлар ұжымына Мемлекеттік сыйлықтар берілген кезде сыйлықтың ақшалай бөлігі олардың арасында тең бөлінеді.

12. Қайтыс болғаннан кейін марапатталған, қайтыс болған Мемлекеттік сыйлықтың лауреатының дипломы, құрметті белгісі және ақшалай сыйақысы оның мұрагерлеріне беріледі.

Қ а з а қ с т а н Р е с п у б л и к а с ы
Ү к і м е т і н і ң

1998 жылғы 25 мамырдағы

№ 477 қаулысымен

бекітілген

**Қазақстан Республикасы Үкіметінің жанындағы
Қазақстан Республикасының ғылым, техника
және білім беру саласындағы мемлекеттік
сыйлықтары жөніндегі комиссиясы туралы ереже**

1. Қазақстан Республикасы Үкіметінің жанындағы Қазақстан Республикасының ғылым, техника және білім беру саласындағы мемлекеттік сыйлықтары жөніндегі комиссиясы (бұдан әрі - Комиссия) консультативтік-кеңесші орган болып табылады және республика министрліктерінің, ведомстволарының, ғылыми қоғамдарының, оқу орындарының, кәсіпорындарының және басқа да ұйымдарының көрнекті ғалымдары мен ірі мамандарынан құралады.

Комиссияның құрамы мен оның төралқасын Қазақстан Республикасы Білім және ғылым министрлігінің ұсынуы бойынша Қазақстан Республикасының Үкіметі бекітеді.

Ескерту. 1-тармаққа өзгеріс енгізілді - ҚР Үкіметінің 2003.07.30. № 763 қаулысымен.

2. Комиссияға Қазақстан Республикасының ғылым, техника және білім беру саласындағы мемлекеттік сыйлықтарын (бұдан әрі - Мемлекеттік сыйлықтар) алуға ұсынылған жұмыстарды қабылдау мен қарауды ұйымдастыру және Мемлекеттік сыйлықтар беруге арналған ұсынымдар жүктеледі.

3. Комиссия өзіне жүктелген функцияларға сәйкес:

Мемлекеттік сыйлықтарды алуға ұсынылған жұмыстарды қабылдауды және қарауды жүргізеді;

ізденушінің нақты шығармашылық үлесі бойынша оның мәлімделген авторлыққа (тең авторлыққа) сәйкестігін анықтай отырып, Мемлекеттік сыйлықтарды алуға ұсынылған жұмыстарды алдын ала іріктеуді жүзеге асырады және мемлекеттік құпияларға жатқызылған мәліметтері бар жұмыстардан басқа бұл жұмыстардың тізімін кең қоғамдық талқылау үшін республикалық және басқа да бұқаралық ақпарат құралдарында жариялайды; <*>

Мемлекеттік сыйлықтарға ұсынылған жұмыстарға түскен ұсыныстарға, ескертпелерге және пікірлерге талдау жүргізеді;

Мемлекеттік сыйлықтар беру туралы ұсыныстарды Қазақстан Республикасы Үкіметінің бекітуіне енгізеді;

Мемлекеттік сыйлықтар лауреаттарының дипломдарын, куәліктерін және құрметті белгілерін ресімдейді, лауреаттарға Мемлекеттік сыйлықтардың ақшалай бөлігін төлеуді жүргізеді;

бұқаралық ақпарат құралдарының Мемлекеттік сыйлықтар лауреаттарының шығармашылық тәжірибесі мен жетістіктерін таратуына жәрдемдеседі.

Ескерту. 3-тармаққа өзгеріс енгізілді - ҚР Үкіметінің 2001.07.17. N 966 қаулысымен , 2003.07.30. N 763 қаулысымен .

4 . К о м и с с и я ғ а :

Мемлекеттік сыйлықтар алуға ұсынылған жұмыстарды алдын ала қарау үшін секциялар, тұрақты немесе уақытша сараптық комиссиялар құруға. Секциялар мен сараптық комиссияларының жұмыс тәртібі Комиссияның төралқасы бекітетін ережелермен белгіленеді;

Мемлекеттік сыйлықтар алуға ұсынылған жұмыстарды ғылыми және тиісті бейіндегі басқа да ұйымдарға сараптық қарауға жолдауға;

Мемлекеттік сыйлықтар алуға ұсынылған жұмыстарды рецензиялауға көрнекті ғалымдар мен халық шаруашылығының ірі мамандарын тартуға;

Мемлекеттік сыйлықтар алуға ұсынылған жұмыстарды ұсыну мен сараптық қараудың белгіленген тәртібінің сақталуына бақылау жасауды жүзеге асыруға;

қаралатын жұмыстардың нәтижелерімен жергілікті жерде танысу үшін Комиссия мүшелерін, сарапшыларды жіберуге құқық беріледі.

Комиссия Мемлекеттік сыйлықтар алуға ұсынылған жұмыстарға сараптау жүргізу мен рецензиялауға байланысты құжаттарды, сондай-ақ Комиссия мүшелері мен бұл іске тартылған сарапшыларға іссапарлық шығыстарды Қазақстан Республикасының Білім және ғылым министрлігіне жібереді. <*>

Ескерту. 4-тармаққа өзгеріс енгізілді - ҚР Үкіметінің 2003.07.30. N 763 қаулысымен .

5. Комиссияның жұмысына Қазақстан Республикасының Үкіметі бекіткен төраға басқаратын төралқа басшылық етеді.

6. Жұмыстарды алдын ала іріктеу туралы шешімді жұмыстарды қараудың және секциялардың ұсынымдарының негізінде қарапайым көпшілік дауыспен ашық дауыс беру арқылы Комиссияның төралқасы қабылдайды. Дауыстар тең болған жағдайда төрағаның дауысы шешуші болады.

7. Мемлекеттік сыйлықтар беру туралы шешімді Комиссия жасырын дауыспен қабылдайды. "Күпия" белгісі бар жұмыстар бойынша жеке бір Мемлекеттік сыйлық беру туралы шешімді жасырын дауыспен күпия жұмыстар мен мәліметтерге тиісті нысандағы рұқсаты бар төралқа мүшелері мен Комиссия мүшелері қабылдайды .

Мемлекеттік сыйлық мәжіліске қатысып отырған комиссия мүшелерінің дауысы санының кемінде 3/4 алған жұмысқа беріледі.

Комиссия мүшелерінің алты жұмыс бойынша ғана Мемлекеттік сыйлық беру туралы оң шешім шығаруға құқығы бар.

Егер, жасырын дауыс берудің қорытындысы бойынша алты жұмыстан артық

жұмысқа Мемлекеттік сыйлықтар беруге шешім қабылданса, онда Мемлекеттік сыйлықтар ең көп дауыс санын жинаған алты авторға (авторлар ұжымдарына) беріледі.

Егер, дауыс берудің қорытындысы бойынша алтыдан аз жұмыс қажетті дауыс санын алса, мәжіліске қатысқан Комиссия мүшелерінің дауысы санының 50% астамын алған жұмыстар үшін қайталап дауыс беруді жүргізуге рұқсат етіледі.

Комиссияның (төралқаның) мәжілісі оның құрамының кемінде 2/3 болған кезде құқық күші бар болып есептеледі.

Комиссияның шешімі хаттамамен ресімделеді.

Ескерту. 7-тармаққа өзгеріс енгізілді - ҚР Үкіметінің 2001.07.17. N 966 қаулысымен .

8. Комиссия мүшелерінің жұмыстары Мемлекеттік сыйлықтар алуға ұсынылған жағдайда олар комиссияның жұмыстарына қатыспайды.

9. Комиссия мен оның төралқасының қызметін Комиссияның жауапты хатшысы басқаратын хатшылық қамтамасыз етеді.

Қазақстан Республикасы Үкіметінің

1998 жылғы 25 мамырдағы

N 477 қаулысына қосымша

Қазақстан Республикасының Үкіметі жанындағы Қазақстан Республикасының ғылым, техника және білім беру саласындағы мемлекеттік сыйлықтары жөніндегі комиссиясының

Құрамы

Ескерту. Құрам жаңа редакцияда - Қазақстан Республикасы Үкіметінің 2005.03.01. N 184 , 2005.07.22 N 768 , 2005.11.30. N 1176 , 2007.05.29. N 438 қаулыларымен.

Комиссия төралқасы:

Әйтімова - Қазақстан Республикасының Білім және

Бірғаным Сарықызы ғылым министрі, төрайым

Кравченко - Қазақстан Республикасының Индустрия

Иван Михайлович және сауда бірінші вице-министрі,
төрайымның орынбасары

Могильный - Қазақстан Республикасы Білім және

Валерий Валентинович ғылым министрлігі Ғылым департаментінің
директоры, жауапты хатшы

Әбдімомынов - Қазақстан Республикасының

Азамат Құрманбекұлы Білім және ғылым вице-министрі

Ақанов - Қазақстан Республикасының Денсаулық

Айқан Ақанұлы сақтау бірінші вице-министрі

- Ерғожин - Қазақстан Республикасының Білім және ғылым министрлігінің Химия-технологиялық зерттеулер орталығы А.Б.Бектұров атындағы Химия ғылымдары институтының директоры
- Еділ Ерғожаұлы
- Жұмағұлов - "Қазақстан Республикасының Ұлттық инженерлік академиясы" республикалық қоғамдық бірлестігінің президенті
- Бақытжан Тұрсынұлы (келісім бойынша)
- Жұрынов - "Қазақстан Республикасының Ұлттық ғылым академиясы" республикалық қоғамдық бірлестігінің президенті
- Мұрат Жұрынұлы (келісім бойынша)
- Қуанғанов - Қазақстан Республикасы Премьер-Министрінің Кеңесі Әлеуметтік-мәдени даму бөлімінің меңгерушісі
- Фархад Шаймұратұлы
- Сағадиев - Қазақстан Республикасы Парламентінің Мәжілісі Қаржы және бюджет комитетінің төрағасы (келісім бойынша)
- Кенжеғали Әбенұлы
- Бекжанов - Қазақстан Республикасының Қоршаған ортаны қорғау вице-министрі
- Жамбыл Лесбекұлы
- Байжанов - Қазақстан Республикасының Мәдениет, ақпарат және спорт бірінші вице-министрі
- Ерлан Сапарұлы
- Евниев - Қазақстан Республикасының Ауыл шаруашылығы вице-министрі
- Арман Қайратұлы
- Комиссия мүшелері:**
- Әбдіманапов - Қазақстан Республикасы Білім және ғылым министрлігі Л.Н.Гумилев атындағы Еуразия ұлттық университетінің ректоры
- Сәрсенғали Әбдіғалиұлы
- Әбдірәсілов - Қазақстан Республикасы Білім және ғылым министрлігі Білім және ғылым саласындағы қадағалау және аттестаттау комитетінің төрағасы
- Болатбек Серікбайұлы
- Арын - Қазақстан Республикасы Білім және ғылым министрлігі С.Торайғыров атындағы Павлодар мемлекеттік университетінің ректоры
- Ерлан Мұхтарұлы

- Арзықұлов - Қазақстан Республикасы Денсаулық
Жеткерген Әнесұлы сақтау министрлігі Қазақ онкология
және радиология ғылыми-зерттеу
институтының директоры
- Батырғажин - Қазақстан Республикасы Премьер-
Азамат Байқуанышұлы Министрінің Кеңесі Әлеуметтік-мәдени
даму бөлімінің сектор меңгерушісі
- Бектұрғанов - Қазақстан Республикасы Білім және
Нұралы Сұлтанұлы ғылым министрлігі Химия-технологиялық
зерттеулер орталығының бас директоры
- Березин - Қазақстан Республикасы Білім және
Владимир Элеазарович ғылым министрлігі Микробиология және
вирусология институтының директоры
- Берсімбаев - Қазақстан Республикасы Білім және
Рахметқажы Ескендірұлы ғылым министрлігінің аппарат басшысы
- Бишімбаев - Қазақстан Республикасы Білім және
Уәлихан Қозыкеұлы ғылым министрлігі Оңтүстік Қазақстан
мемлекеттік университетінің ректоры
- Жүсіпов - Қазақстан Республикасы Денсаулық
Әлихан Қазақбайұлы сақтау министрлігі Қазақ кардиология
және ішкі аурулар ғылыми-зерттеу
институтының директоры
- Дүйсенбеков - Қазақстан Республикасы Жер ресурстарын
Зайролла Дүйсенбекұлы басқару агенттігі Жер ресурстары және
жерге орналастыру мемлекеттік
ғылыми-өндірістік орталығының бас
директоры
- Есполов - Қазақстан Республикасы Білім және
Тілектес Исабайұлы ғылым министрлігі Қазақ ұлттық
аграрлық университетінің ректоры
- Жантаев Жұмабек - Қазақстан Республикасы Ұлттық ғарыш Шәбденамұлы
агенттігі "Астрофизикалық зерттеулер
орталығы" республикалық мемлекеттік
кәсіпорнының директоры
- Жәрменов - Қазақстан Республикасы Индустрия
Әбдірасыл Алдашұлы және сауда министрлігі Минералдық
шикізатты кешенді өңдеу ұлттық
орталығының бас директоры

- Ізбасаров - Қазақстан Республикасы Ауыл
Дүйсебай Сайлаубайұлы шаруашылығы министрлігі Қайта өңдеу
және тамақ өнеркәсібі ғылыми-өндірістік
орталығының бас директоры
- Кәлменов - Қазақстан Республикасы Білім және
Тынысбек Шәріпұлы ғылым министрлігі Физика-математикалық
зерттеулер орталығының бас директоры
- Қадыржанов - Қазақстан Республикасы Энергетика
Қайрат Камалұлы және минералдық ресурстар министрлігінің
Ұлттық ядролық орталығы Ядролық физика
институтының директоры
- Қыпшақбаев - "Инжиниринг және технологиялар
Әбдел Исаұлы трансферті орталығы" акционерлік
қоғамының президенті (келісім бойынша)
- Қожамқұлов - Қазақстан Республикасы Білім және
Төлеген Әбдісағиұлы ғылым министрлігі Әл-Фараби атындағы
Қазақ ұлттық университетінің ректоры
- Құлқыбаев - Қазақстан Республикасы Денсаулық
Ғабдолла Әбдіқожаұлы сақтау министрлігі Еңбек гигиенасы
және кәсіптік аурулар ұлттық
орталығының директоры
- Құсайынов - Қазақстан Республикасы Білім және
Әмірлан Айдарбекұлы ғылым министрлігі Қазақ бас сәулет-
құрылыс академиясының президенті
- Мәжібаев - Қазақстан Республикасы Денсаулық
Қуаныш Әбдікерімұлы сақтау министрлігі Педиатрия және
балалар хирургиясы ғылыми орталығының
директоры
- Нәдіров - "Мұнай" ғылыми инженерлік орталығы"
Нәдір Кәрімұлы жауапкершілігі шектеулі серіктестігінің
бас директоры (келісім бойынша)
- Нысанбаев - Қазақстан Республикасы Білім және
Әбдімәлік Нысанбайұлы ғылым министрлігі Философия және
саясаттану институтының директоры
- Өтелбаев - М.В.Ломоносов атындағы Мәскеу
Мұхтарбай Өтелбайұлы мемлекеттік университетінің Қазақстан
филиалы директорының орынбасары
(келісім бойынша)

- Рақышев - Қазақстан Республикасы Білім және
Болат Мамытханұлы ғылым министрлігі Геология-географиялық
зерттеулер орталығының бас директоры
- Сәбден - "Қазақстан-АҚШ" талдау және болжау
Оразалы Сәбденұлы институты" қоғамдық қорының президенті
(келісім бойынша)
- Сансызбай - Қазақстан Республикасы Ауыл шаруашылығы
Абылай Рысбайұлы министрлігінің Мал шаруашылығы және
ветеринария ғылыми-өндірістік орталығы
Ветеринарлық ғылыми-зерттеу институтының
директоры
- Сүлеев - Қазақстан Республикасы Білім және
Досым Қасымұлы ғылым министрлігі Қ.И.Сәтбаев атындағы
Қазақ ұлттық техникалық университетінің
ректоры
- Төлебаев - Қазақстан Республикасы Энергетика
Алмаз Қажыкенұлы және минералдық ресурстар министрлігі
Ядролық энергетика және сыртқы
байланыстар департаментінің директоры
- Уәлиев - Қазақстан Республикасы Білім және
Ғақып Уәлиұлы ғылым министрлігінің Физика-математикалық
зерттеулер орталығы Механика және
машинатану институтының директоры
- Шуақмайтов - Қазақстан Республикасы Әділет
Дулат Сламбекұлы министрлігінің Қылмыстық-атқару жүйесі
комитеті Қостанай заң институтының
бастығы
- Шарманов - "Қазақ тағамтану академиясы"
Төрегелді Шарманұлы жауапкершілігі шектеулі серіктестігінің
бас директоры (келісім бойынша)